



## **Ka be tōnd pugē, ned sēn maana liu-n-bogre, maa b maana a yīnga, maa a buga bagre, maa b buga bagr a yīnga, maa a maan tum, maa b maana tum a yīnga**

Yii a 'Imraan [bn Huṣayn nengē - Wēnd yard be a yīnga-: a yeelame: Wēnd Tēn-tuumā, (Wēnd puusg la A tulgr be a yīnga) yeeleme: «Ka be tōnd pugē, ned sēn maana liu-n-bogre, maa b maana a yīnga, maa a buga bagre, maa b buga bagr a yīnga, maa a maan tum, maa b maana tum a yīnga, la ned ning sēn wa bag-budga n kō sid ne a sēn yet-a, a soab kīfla ne būmb ninga b sēn sik n kō a Mohammadā, (Wēnd puusg la A tulgr be a yīnga)».

[Hasanun (be neere)] [A Al-Bazaar n togs-a]

Nabiyaamā (Wēnd puusg la A tulgr be a yīnga) pulma puleng beedo, ned ning sēn wa n tumā, sēn yi yē poorē nebā, tuum-rāmb sānda, n yeele: "ka be tōnd pugē" la sēn be a pugē: Rēenem: "ned ning sēn maan liu-n-bogre, maa b maana liu-n-bogr a yīnga: la yē yēgrā, yaa b sēn na n bas liuul t'a yike, b sēn wat n maan tuumde, zem ti yaa sor togbo, maa yaa tolbo, maa zēng sēn ka rē. A sā n ylk n tug rit wēngē, a sakdame n kell n baas a tuumdā, la a sā n ylk goagb wēngē, la a sēn yet ti yaa yel-beedo, n yeel ti yaa zu-beedo, la a yōk a meng n bas a sēn rat būmb ningā, rēnd ka sakde ti ned maan wānde a meng yīng ye, maa a rolg ned t'a maan a yīng ye, la kēeda rēnda pugā ned sēn na n saag zu-beed tagmas ne būmbā fāa gilli, zem ti yaa sēn wumde, maa yaa sēn ne, sēn yaa liuuli, la we-rūmsi, maa yaa zāmsā rāmba (koms-rāmbā), maa yaa limoro maa yaa rasem-rāmba, maa zēng sēn ka rēnda. Yiib soaba: "ned ning sēn maan bagre, maa b maana a yīnga" rēnd ned ning sēn wa n yēgemdē t'a mii sēn solge, zem ti yaa āds la a geta la zēng sēn ka rē, maa a waa ned ning sēn yagd zīri t'a mii sēn solg nengē, wala bag bugdb la sēn wōnd rē, n sidg-a ne a sēn yet būmb ningā, sēn yaa yel-soondi minimā, ad a soab kīfla ne būmb ning sēn sik n kō a Mohammadā, (Wēnd puusg la A tulgr be a yīnga) Tāab soaba: "ned ning sēn so tum, maa b so a yīnga" yē la ned ning sēn maan tum a meng yīnga, maa a roglā ned t'a maan tuma a yīnga, zem t'a na n naf-a-la ne neda, maa a na n nams-a lame, maa a tug n loee yoada ne gīda, n maan tum a pugē, ne a sēn na n karem sēn yaa haraam n fuus beenē.

النجاة الخيرية  
ALNAJAT CHARITY

